



Sire la Royne ma escript passes quelques iours
 quil auoit pleu a v^{re} Ma^{te} me ordoner vne
 pension de deux mil liures laquelle ie recois
 pour plus grande obligation et tesmonignage de
 la voulunte que iay de luy demeurer toute
 ma vie treshumble et treshobeissant seruiteur
 et dont ie la remercie treshumblement par ceste
 et eusse eu plus grand desir de le fair en
 p^{ersonne} et retourner plustost vers v^{re} Ma^{te} si
 mes affaires necces et vne maladie dont ie suis
 este detenu plus long temps ne men eussent empesche.

Je tien Sire que v^{re} Ma^{te} ra aura este aduertie
 des termes estranges que le duc Mauritz electeur
 tient en la Conte de catzenubogen contre les
 sentences quil a pleu a icelle donner au profit
 de mon pere et m^{iere} comme den uoloir prendre
 la possession pour soy et forcer nos subgetz a luy
 faire serment sans en oultre de menasses de
 oultraiger nous et les n^{ostres} en nos p^{ersonnes}
 Aquoy supplie treshumblement v^{re} Ma^{te} y uoloir
 aduiser puis que par dessus le tort quil nous
 faiet en cecy il semble que lauctorite de v^{re}

Ma^{te} en demeure ancinement offensee puis que nous
sumes soubz sa protection et que led^s B^r duc ose
entreprendre telle chose contre la iustice de Vre
Ma^{te}

Vre ma^{te} scait coment ie suis este traueise des
consaulx de france sur le fait de la souueramete
en mon principaulte dorenges deppuis le dernier
traict de paix par lequel ie i debuoye estre
reintegre et les oultraiges que mes pources officiers
en ont souffert et les domages excessifs que ie n^y
ay receu pour recourance desqueles les fruitz
de la terre d'enghien me sont obliges p certain
traict fait par Mons^r de Corbaron lors mon
mambour avec les officiers de Mons^r le duc de
Bendosme que les a deppuis agree et pour lespoir
que iay toujours eu en tant de bonnes rescriptions
vres sur cest affair en attendant quelque iour
vne bone fin iay toujours fait dilaiier l'execution
dud traict surquoy est survenu l'ouverture de la
gerre pendant laquelle non seulement ie suis
empesche de pouoir poussuoir estre reintegre en la
souuerainite de mad^e principaulte mais daduantage

come v^{re} Ma^{te} peut bien scauoir) ie suis priue
totalemēt de iouissance de tout le bien que Fay en France
oultre les dōmaiges que la Rey a^y iousteu par ou
re la Supplie treshumblement que ayant regard a mes
dōmaiges tant passes que aduenir et le traictē qui iay
sur led^e ainghien men soloir p^rmettre la iouissance
come autre fois pour auoir a^ustant plus de moien
de luy pouuoir fair treshumble service

Attant Sire me recommandant treshumblement a v^{re}
Ma^{te} priera^y le createur luy donner en toute
prosperite bonne et longe vie de Breda le xxviii
de Nouembre 1551



de v^{re} Ma^{te}
treshumble et treshobissant seruiteur et vassal
Guille de nalsau

Belgien PB 32

Indien

A l'empereur

